



Matvælaráðuneytið  
Sent í gegnum samráðsgátt

Borg, 20. mars 2024

### Efni: Aðgerðaáætlun matvælastefnu.

Sveitarstjórn Grímsnes- og Grafningshrepps fagnar því að sett sé á laggirnar aðgerðaráætlun um matvælastefnu þar sem leggja eigi áherslu á fæðuöryggi í landinu þannig að þjóðin verði minna háð innfluttum hráefnum og aðföngum og styrkja þá um leið fjölbreytta innlenda matvælaframleiðslu.

Sveitarstjórn leggur mikla áherslu á að sömu kröfur verði gerðar til innfluttra matvæla og gerðar eru til innlendra matvælaframleiðenda.

Ein af aðgerðum aðgerðaráætlunar matvælastefnu er að samræma matvælaeftirlit um allt land og setja undir eina stofnun. Sveitarstjórn leggur ríka áherslu á að fyrirhugaðar breytingar muni ekki fela í sér kostnaðarauka fyrir sveitarfélög og að í áframhaldandi vinnu sé haft náið samráð við sveitarfélög, heilbrigðiseftirlitsnefndir og aðra hagaðila.

Önnur aðgerð í aðgerðaráætluninni er söfnunarkerfi fyrir dýraleifar. Sveitarstjórn telur þörf á að gott samráð verði haft við alla hagsmunaaðila t.d. sveitarfélögin og bændur um þessa aðgerð.

Sveitarstjórn Grímsnes- og Grafningshrepps er að sjálfsögðu reiðubúin til frekara samráðs og samtals um þau atriði sem fram koma í umsögn þessari.

Virðingarfyllt,  
f.h. sveitarstjórnar

Iðna Marsibil Jónsdóttir, sveitarstjóri